

仙神兵地仙神兵水仙神兵三三如九億萬
 天兵玉皇勅下奉感靈靈群魔束手戰懼兢
 繞毒龍萬萬豈敢爭迎携劍斬鬼日君月君
 南辰北斗九曜天輪行年星曜羅睺星君計
 都星君木德星君水德星君金德星君火德
 星君土德星君紫炁星君月宇星君太陽星
 君太陰星君天河內宿天河外宿二十八宿
 具數分明天罡執劍十二元辰寅生屬虎功
 曹元辰卯生屬兔太衝元辰辰生屬龍天罡
 元辰巳生屬蛇太乙元辰午生屬馬勝光元
 辰未生屬羊小吉元辰申生屬猴傳送元辰
 酉生屬雞難從魁元辰戌生屬犬河魁元辰亥
 生屬猪登明元辰子生屬鼠神后元辰丑生
 屬牛大吉元辰十二相屬注命六神土金木
 水火土木金火水水土火金木水土火金
 金木水火土

不逢毒蟲不服毒藥若有官私幹事或誤道
 幽靜深山孤莊曠野園林密閣之處凶惡手
 觀鬼魅極多妖魂不少爾時結跏趺坐擊拳
 稽首默念此經一遍感得諸天聖眾擁護其
 人然後玉符保命金液鍊形神俱妙與道
 合真精神不散萬災消滅或家有眾魔野道
 虛耗精邪疾病水火刀兵災厄刑獄一切不
 祥之事聞其靈文之名悉皆消滅信受奉行
 太上洞玄靈寶天尊說羅天大醮上品妙經

四經同卷
 老君變化無極經
 太上金華天尊救劫護命妙經
 無上三天法師說騰育眾生妙經
 太上說青玄雷令法行因地妙經
 老君變化無極經
 老君變化無極中出處幽微黃房宮鍊形淑
 淑虛無同光景布行八極中真名一出會九
 公道理長速樂無窮駭駕九龍車馬僮上登
 八重玉闕中金樓之臺望華山上真人授
 我經教我學道身當清慎勿貪淫沒汝形清
 身潔已身長生老君之道自然并不求吾道
 經教名那得度災為種生賢者思之解其情
 鍼入縛出氣自明施為有法隨時生秋收冬
 藏入黃庭窈窕冥冥氣合并老君變化易身
 形出在胡中作真經胡兒反叛無真誠朝降
 暮反結罪名部落強丁至死傾叩頭來前索
 求生老君執意欲不聽謫披緒衣在身形沐
 頭剔鬚為信盟絕其妻娶禁殺生若能從化
 過其名日中一食讀真經不得欺殆貪淫情

若有犯法滅汝形胡兒拜伏道氣隆隨時轉
運西漢中木子為姓諱口弓居在蜀郡成都
宮赤名之域出凌陰弓長合世建天中乘三
使六萬神崇真列三師有姓名二十四治氣
當成分符券契律令名誅符伐廟有常刑老

君正法道自明仙官簿錄隨所請陰陽中經
無人明唯有龍胎師度形白髮翩翩遊天庭
羽翼開張毛衣成五色斑斑如列星璇璣玉
衡正其名

居東煙浪生海陽海水不流須風揚無有涯
岸東西相不逆細流故深長汪巨海百谷
王百川傾流水湯湯源出崑崙華陰陰氣
踊躍難可當宜預防之過災殃得見太平昇
仙房乘雲駕龍到南陽飲食行厨布腹腸彈
琴鼓弦舉樂觴要當解音別官商角徵所生

同室堂

吾入幽河止泉元大道坦坦莫不聞養土天
下皆稱臣弟子再拜請所問道有微氣生活
人誠非下愚所可陳道氣綿綿難可違布散
流行如浮雲浮雲翩翩還入山亦無孔穴入

無間細微之事難可言若解微者飛昇仙比
遊五嶽弱水邊弱水不度入殺人知之明
預防災與世相守樂無期玄命太清誰知之
今世之人多愚癡七九數盡鬼賊來何不防
閑自修理苦言利行不相欺與已一別會何

時道俗不同善自思丘山草穢難可治口中
安十為良醫懼悌君子民所思但當披懷來
趣之消除惡逆心無疑猶豫之子道不治龍
變浮雲到南蠻江水枯竭人民單鬼賊遊行
在民間聊亂止氣無人分師君一出誅盡群

爾乃太平見真君有福過度為種人條名上
白太上君賜與符籙護身形思如呼之恒隨
人敬如侍之與相親真氣來附成萬神與天
相保昇崑崙驂駕九龍行如雲鬱鬱之童至
遠東時欲從急驛馬通千里相逐如飛蜂毒

害之氣難可衝道路隔塞絕不通奈何此世
思九公母能養子息意同無偏無黨可相從
靈禽辟邪除群凶姦臣賊子入地衝爾乃太
平氣清公真君當出別人容三五七九內外
同養生之法氣相從和順上下無災衝人多

不解妄說空西事未訖折復東持心猶豫無
所從大災奄至路不通汝欲避世華陰東遊
上高山望海水日出浩汗不可規令人目暗
犯過罪魚藏深淵食餌死南方不但自食尾
肝心獨活舍如死金容城中有白雄世之所

希人所視禁地之物不可底貪淫愛色心斷
亂強尸縱橫令人數不能清已呼天怨吾道
清潔選種民少有明解應吾文南到淮揚經
孟津浮橋翩翩在水巔過度萬姓無留難條
牒姓名詣津門宜名詐稱送司官推問情實

盡其元人心歸情還本根深固久物自然
自然之氣出虛無魯道蕩蕩合與俱頽得赤
子相接扶解脫羅網六翻舒喉天高飛詣九
都九都之要誰能舒仙人王喬處石廬師事
老子合生符歷觀帝世知沉浮有道君子心

不憂湯湯滌滌如長流百川之水歸海中海
水漫瀟志無窮無窮之東有沃焦沃焦所受
無不消變散形身作浮雲浮雲翩翩還入山
結氣谷口為甘泉事會之冥家無言神男玉
女侍在邊扶助男女成萬神萬神皆生為真

人真人已成飛昇仙遊於五嶽乘紫雲騶駕六龍會天門門有害氣不敢前十往十死初不遂汝欲入門休魯班天下名巧吾語言凌陰之室在中丹內外相通無留難同氣合音舒適无道之綿綿誰能違十室之色無中人今吾道氣屈不伸怒吾師鬼欲吾臣呼行選種不精勤太平垂至事當分條牒姓名言太清功勞行狀與集并玉曆之中有生名三氣當備愛子形不行三五七九生那得過度見太平陰陽中經事難明時有開解能思精出陽入陰至玄冥八極之內有九城九宮之內應天經三氣五氣令身生七九去災除殃丁天歷運度隨時清三師出教給史兵守宅將軍統舍管辟斥故氣却邪精武夷來福在中庭除災去害道日明名顯速殊世有榮子孫

本氣當王正法天地左紀綱乾坤所主正陰陽道在其中名布行凌陰之室色玄黃芝草蒙蒙覆宮堂金樓玉闕仗兩傍銅人翁仲坐相望俠守公門嚴如霜赤門赫赫誰能當賢人君子守道長防災除害思元陽氣流溢布身華光身生香羽飛雲行上謁老君山中黃遊觀南嶽宿閑房仙人王喬共遠翔西到廣漢歷長城長安城中胡馬鳴奮頭衝動人民驚民驚奔走空土城父子為虎因時營觀世浮沉發公名時世浩擾氣不寧温寒不適在人形變發坐逆罰貪夫威令世畏法禁拘有道之士心無憂蕩蕩滌滌處長流水之東流無息休翩翩揚舟隨風流權權相催行如浮轉相過度無稽留稽滯不去必沉浮傷子無知益人憂南度江海建鄴城故時大樂子孫榮不承權輿至死傾日南瘴氣草不生飛鳥不過没人形遠避避害可長生與道相守建功名莫貪財利色慾情貞守節志當清爾乃過度見太平太平真君復能明整理文書應鶴鳴二十四治會陽平主者齋籍戶言名

除死者生詣太清文字教案令分明遷故迎新給所請有功增錄護群生男官女官有別名聰明主者鍊人形若有明解來求生開心同化首礙誠條名上簿過度生不得墜過塞人情主者明順思書經若有不法結罪名難杖在身病殃了親民之職心當乎不得鬲灰媚妬情貪淫愛色沒汝形元散祭酒新故民素性闇塞不識真論說道元狂惑人口舌陋露俗人間招來禍害三考前同屬道氣不蒙恩不能悔欲上呼怒初吾主者精斷善惡異名列狀言吾有司官在人間當驅治之至死傾上多煩欲無忠貞民困於役不農耕種植失時花無榮艸卵半傷給死名殺如金玉斷之糧人民相視色責黃心愁意苦劇遭喪思亂之世無紀綱君會臣濁失法常世欲變改無忠良忠臣孝子深隱威不預世事託伴狂姦臣賊子志飛揚義言自陳條紀綱執正立權舒中腸群寮困頓失義方士卒百上困狼當負土躡水啼吟行百川之流奔沼城真來之衝難可當失失其明日無光封邑齊土

國為王齊人感歎身摧傷春羊為虎鼠為狼
 變化姓字易其常西度名水歷火行深林還
 谷多毒霜殺戮有草葉枯黃孟春正月合天
 罡迴轉斗樞隨朝陽養育群生壽命長與天
 相保神聖將轉終范義相輔巨飲食九藥辟
 殺根名山可處石室堂前臨源流道里長混
 沌相隨到海陽海水不流湛如聚源流滅滅
 無人當不甜不苦無臭香中有赤子過度生
 吾之為道不人情正法天地身聰明
 道出微妙入玄宮綿邈倏長難可窮譬如百
 川入海江不逆細流致其深好學之士慕清
 忠謙卑順下志在心不共并心精其元道吾
 好生愛善人和民抱朴守素貞許由洗耳於
 河濱清濤有素絕不群枕石漱流靜思真採
 取芝英成萬神服食三微飲神丹壽命無窮
 與天連遊戲無極八重間八重離樓屈復伸
 九重之裏窈無人混沌之氣誰能分演散陰
 陽舒道元養育肢體生華根生固久應自
 然自然之氣出崑崙山北絕否有溫泉療治
 萬病除殃患犯罪之人更福原

老君變化無極經



太上金華天尊救劫護命妙經
 金華天尊救延真救劫經至真無極道虛皇
 最上尊避隱恒救劫時因壬運興三昧九真
 相大洞起超明驅除凶悖氣真道救群生劫
 期生死會善惡運當分元皇玉帝勅較錄普
 天民善則超三界魔王來敬迎有過沉九地
 萬劫歷幽冥諸天同考較分毫無隱容時遇
 清虛降搜究萬仙真元華真大道末劫小人
 輕聰明願者廢敬信遇之成青蓮栽滿地攀
 採汚泥中聖凡皆有分焉論貴何貧有緣須
 敬後遇必證金身普天聞正道俱下寄凡塵
 爭取金天號皆尋不壞因所以陰陽否天昏
 地醫騰六洞精魔出九天妖怪生六合成既
 濟水火自交并混混渾一體各各內尋真火
 煨真精灼凶邪悖逆傾陰陽純粹子精燦結
 真人元一成舍利雜穢化為塵其中靈應實
 誅斬萬魔群七帝承元命軸關下紫庭破武
 廉文祿巨貪為帝真五德真光射妖魔自不
 神霹靂南丹勝破軍北極真西方白帝子東
 界護生君中央天元號擊電滅妖氛天威同